



Republika e Kosovës  
Republika Kosova – Republic of Kosovo  
ORGANI SHQYRTUES I PROKURIMIT  
TELO ZA RAZMATRANJE NABAVKE  
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë  
Tel: 383 38 312 309 email: [oshp@rks-gov.net](mailto:oshp@rks-gov.net)

## RAPORTI I EKSPERTIT SHQYRTUES

Eksperti Shqyrtues	Data e autorizimit të ekspertit	Date e dorëzimit të raportit	Nr. i lëndës
<b>Shkelzen Hoxha</b>	<b>29.12.2023</b>	<b>07.01.2024</b>	<b>2023/1026</b>

### BAZA LIGJORE E SHQYRTIMIT

Me datën: 17.12.2023, OE “**Bahri Asllani**” B.I - NTSH “**EKOINVEST** - Prishtinë, ka parashtruar ankesë me nr: 2023/1026, kundër Njoftimit mbi Vendimin e Autoriteti kontaktues (AK) ku është rekomanduar për kontratë OE “**Ballkan Petrol**” SH.P.K Ferizaj, lidhur me aktivitetin e prokurimit: “Furnizim me transformator 400MVA, 24 400 kV per njesine B1” me numër të prokurimit: “KEK-23-7573-1-1-1”, iniciuar nga Autoriteti Kontraktues (AK) – KORPORATA ENERGJETIKE E KOSOVES sh.a. Autoriteti kontraktues ka zbatuar procedurë të hapur, lloji i kontratës: furnizim, vlera e parashikuar e kontratës: 5,000,000.00€.

Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

### DISPOZITAT E SHKELURA DHE PRETENDIMET ANKIMORE

--

**Shkeljet e dispozitave të Ligjit Nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-92, (LPP), janë:**

Neni 6 - Ekonomiciteti dhe Efikasiteti

Neni 7 - Barazia në Trajtim/ Jo- Diskriminimi

Neni 11 - Informatat Sekrete Afariste

Neni 59 -Ekzaminimi, Vlerësimi dhe Krahاسimi i Tenderëve

Neni 60 - Kriteret për Dhënien e Kontratës

Neni 72 Dokumentacioni dhe informacioni shtesë

**Shkeljet e dispozitave - Rregullat dhe Udhëzuesi Operativ për Prokurim Publik – (RRUOPP A01), janë:**

Neni 28- Kriteret e Dhënies së Kontratës

Neni 41- Ekzaminimi, Vlerësimi dhe Krahاسimi i Tenderëve

Neni 39 - Sqarimi i Tenderëve (Tabela ne fund)

Deklaratë detale mbi faktet dhe argumentet.

1. Autoriteti Kontraktues, me datën 20.07.2023 e kishte shpallur njoftimin për kontratë me nr. të prokurimit KEK-23-7573-1-1-1, nr. të brendshëm KEKC-23-282-1-1-1, me

titullin e kontratës të dhënë nga Autoriteti Kontraktues: “Furnizim me Transformatorë 400 MVA, 24 400 kV për njësinë B1”.

2. Në këtë aktivitet të prokurimit kishin konkurruar dy operatorë ekonomike dhe atë:
  - Ballkan Petrol SH.P.K, Zona Industrial Gërlicë, 70,000 Ferizaj për vlerën totale të ofertës prej 4,749,601.00 €; dhe
  - Bahri Asllani, Rr. Agim Ramadani, Aktash C1/9, 10,000 Prishtinë, për vlerën totale të ofertës 4,722,888.64 €
3. Autoriteti Kontraktues në datën 19.10.2023 e kishte nxjerrë Njoftimin mbi Vendimin e Autoritetit Kontraktues të përshkruar si me lartë përmes të cilit i kishte njoftuar Operatorët Ekonomik konkurrues se Korporata Energjetike e Kosovës SH.A e shpërblen me kontratë ofertuesin “Ballkan Petrol SH.P.K,” Ferizaj në vlerën prej 4,749,601.00 €
4. Me datën 24.10.2023 ne OE N.T.SH Ekoinvest kemi paraqitur përmes platformës se E-Prokurimit Kërkesën për Rishqyrtim për projektin “Furnizim me Transformatorë 400 MVA, 24 400 kV për njësinë B1” me nr. të prokurimi KEK-23-7573-1-1-1, me nr. të brendshëm KEKC-23-282-1-1-1 brenda afatit prej 5 ditësh pas Njoftimin mbi Vendimin e Autoritetit Kontraktues.
5. Autoriteti Kontraktues në datën 27.10.2023 ka publikuar ne platformën e E-Prokurimit njoftimin mbi Vendimin e AK ne Kërkesën për Rishqyrtim ku e ka cilësuar kërkesën tone si pjesërisht te bazuar dhe kthyer lenden ne ri-vlerësim.
6. Me datën 20.11.2023 Autoriteti Kontraktues pas procesit te ri-vlerësimit e kishte nxjerrë Njoftimin mbi Vendimin e Autoritetit Kontraktues të përshkruar si me lartë përmes të cilit i kishte njoftuar Operatorët Ekonomik konkurrues se Korporata Energjetike e Kosovës SH.A e shpërblen me kontratë ofertuesin “Ballkan Petrol SH.P.K,” Ferizaj në vlerën prej 4,749,601.00 €.
7. Me datën 27.11.2023 ne OE N.T.SH Ekoinvest kemi paraqitur përmes platformës se E-Prokurimit Kërkesën për Rishqyrtim ndërsa me datën 06.12.2023 Autoriteti Kontraktues ka publikuar ne platformën e E-Prokurimit njoftimin mbi Vendimin e AK ne Kërkesën për Rishqyrtim ku e ka cilësuar kërkesën tone si te pabazuar.
8. Njoftimi mbi vendimin e AK i datës 20.11.2023 është vendim i kundërligjshëm, me vërtetim të gabuar të gjendjes faktike, me aplikim të gabuar të dispozitave të ligjit material dhe atë për faktin se e kanë shpërblyer me kontratë OE “Ballkan Petrol SH.P.K” i cili në mënyrë të faktuar është i pa përgjegjshëm dhe OE “Bahri Asllani” në mënyrë të kundërligjshme e kanë shpallur të pa përgjegjshëm. Ndërsa përveç kundërligjshmërisë, vendimi i lartë cekur është edhe arbitrarë me elemente të dyshim të bazuar të ekzistimit të veprës penale të shpërdorimit të detyrës zyrtare me te vetmin qellim qe ti hapet rruge OE te favorizuar nga ana e individëve te papërgjegjshëm pasi qe shkeljet e njëjta janë bere nga ana e zyrtareve te Autoritetit Kontraktues edhe



gjate fazës së ri-vlerësimit. Në vijim të kësaj Kërkese/Ankese do ta trajtojmë fillimisht papërgjegjshmërinë e OE “Ballkan Petrol SH.P.K” pastaj do ta faktojmë dhe argumentojmë përgjegjshmërinë e OE “Bahri Asllani B.I – Ekoinvest” dhe krejt në fund do ti potencojmë arbitraritetin dhe elementet e dyshimit të bazuar për vepra penale.

#### Papërgjegjshmëria e OE “Ballkan Petrol SH.P.K”

9. OE i cekur si më lartë është i papërgjegjshëm për procedurën e prokurimit të cekur si në pikën 1 të kësaj kërkesë për arsyet si në vijim: Në dosjen e Tenderit (faqe 24) Kërkesat që OE duhet ti plotësoj, pjesë e Anex 1, me pikën 5 përcaktohet *“Prodhuesi duhet të dëshmoj me dokument se posedon laboratorin e testimeve për transformatorë energjetikë për tensione të larta sipas standardit IEC dhe duhet të dëshmoj se ka kryer së paku një test të një transformatori të fuqisë 400 MVA dhe klasë tensioni 400 kV apo më të lartë. Të dëshmohet me raport të testimit nga prodhuesi”*.

#### *Shkelja e pare:*

10. OE “Ballkan Petrol SH.P.K” kishte dështuar që të paraqesë dokumentacion me të cilin do të dëshmonte (siq kërkohet *“Prodhuesi duhet të dëshmoj me dokument”*) **mbi liqencën e laboratorit dhe/apo certifikatën e akreditimit të laboratorit të prodhuesit.**

Ndërsa OE “Ballkan Petrol SH.P.K” si **“dokument”** ka prezantuar një deklaratë dhe disa fotografi. AK **ne mënyrë arbitrare dhe të kundërligjshme ka pranuar si “Dëshmi” një dokument të krijuar vet** se posedon laborator **(shih prova nr 1)**. Pra, OE i rekomanduar për kontratë ka dështuar që të ofrojë dokument valid/dëshmi nga ndonjë instancë kredibile (pra certifikatë) dhe në vend të saj i ka lëshuar vetes deklaratë në formatin e letrave të thjeshta.

I njëjti është dashur të shpallet i papërgjegjshëm për **mungesë të një dokumenti valid** që e vërteton posedimin e laboratorit.

11. Fakti se AK ka bërë shkelje flagrante duke rekomanduar për kontratë një OE të papërgjegjshëm i cili kishte dështuar në përmbushjen e këtij kriteri është i pakontestueshëm pasi që këtë e vërteton edhe vendimi i Organit Shqyrtues të Prokurimit i datës 10.02.2023 P.SH.Nr 694/22 në faqe 4 pasuesi i parë, pika 3 ishte theksuar: *“Ankuesi ka pohuar po ashtu se OE i rekomanduar nuk ka ofruar dëshmi bindëse dhe/ose të mjaftueshme lidhur me posedimin e laboratorit testues. Lidhur me këtë eksperti ka konstatuar (nga hulumtimet e tij) se ky pohim i ankuesit është i bazuar pasi që edhe përkundër deklaratës nga OE dhe nga Prodhuesi se posedon laborator për testim, OE dhe Prodhuesi ka dështuar të ofrojë dokument dëshmues valid/dëshmi*

*nga instancë tjetër kredibile dhe jo ti lëshojë vetës një dokument dhe një foto në formatin e deklaratës”(shih prova nr. 2).*

#### Shkelja e dytë:

12. Imagjinoni se deri ku shkon arbitrariteti dhe kundërligjshmëria e vendimit të Autoritetit Kontraktues, ku ne kërkesën e radhës (pjesë e Annex 1, pika 5): “Duhet të dëshmoj se ka kryer së paku një test të një transformatori të fuqisë 400 MVA dhe klasë tensioni 400 kV apo më të lartë. Të dëshmohet me raport të testimit nga prodhuesi”. Me këtë rast OE i rekomanduar për kontratë ka dështuar të përmbushë kërkesën e tillë pasi që **ka dorëzuar një raport të testimit nga një laborator tjetër** respektivisht nga ndërrmarja *ORGREZ a.s divize Elektrotechnich Laboratori, Vitkova 17, Praha 8-Karlin, 186 00* (shih prova nr. 3). dhe jo nga laboratori i prodhuesit siç është kërkuar në këtë pikë të Annex 1.
13. Shkelja e lartcekur po ashtu e vërteton se prodhuesi (ETD Transformatory a.s.) me të cilin ka ofertuar OE “Ballkan Petrol SH.P.K” nuk posedon *“laboratorin e testeve për transformator energjetik për tensione të larta sipas standardit IEC”* siç është kërkuar në dosjen e tenderit.
14. Shtrohet pyetja; Ky arbitraritet i komisionit vlerësues a ka mundur të jetë i paqëllimshëm ??, apo në mënyrë të hapur dhe kundërligjore tentohet të krijohet rrugë OE të favorizuar duke i mbyllur sytë dhe kamufluar në mënyrë të qëllimshme kërkesat shumë të qarta të dosjes së tenderit.
15. Pra përveç faktit se Autoriteti Kontraktues i mbyll sytë përpara mungesës së dokumentit se prodhuesi posedon laboratorin e testeve (kriter të cilin e ka përcaktuar vetë AK) dhe faktit se Autoriteti Kontraktues është koshient se nuk është ofruar **raporti i testimit nga vetë prodhuesi** (kriter të cilin e ka përcaktuar vetë AK), këto nuk kanë mundur të ndodhin rastësisht apo nga ndonjë formë e pakujdesisë sepse nga vendimi i OSHP i përshkruar në pikën 11 të kësaj kërkesë vërtetohet se edhe OSHP-ja vitin e kaluar (për të njëjtin projekt, për të njëjtën kërkesë) ka konstatuar se *prodhuesi duhet të posedojë dokument dëshmuës valid nga instanca kredibile (certifikatë) dhe jo t'i lëshojë vetës deklarata.* (shih prova nr. 2)
16. Të lartcekurat e vërtetojnë se vendimi i atakuar me këtë kërkesë është i kundërligjshëm madje ka argumente mjaft bindëse që qojnë në dyshimin e bazuar se personat përgjegjës të Autoritetit Kontraktues kanë konsumuar edhe elemente të veprës penale (për qka nuk do të zgjerohemi shumë por do t'iu drejtohem organëve kompetente) vetëm e vetëm që ta shpallin fitues një Operator Ekonomik të papërgjegjshëm sipas dosjes së tenderit dhe në anën tjetër të përmes veprimeve veprime të arbitrare



dhe te kundërligjshme Operatorin Ekonomik Bahri Asllani B.I – EKOINVEST ta shpallin të papërgjegjshëm.

**Përgjegjshmëria e Operatorit Ekonomik Bahri Asllani B.I. – EKOINVEST.-**

17. Ne Fletën e të Dhënave të Tenderit në pikën 8.1 & 8.2 Kapaciteti Ekonomik dhe Financiar ishte kërkuar “(shënim premtues) që konfirmon se kompania mund të marr kredi prej 5 Mil Euro”.

18. Operatori Ekonomik Bahri Asllani B.I. – EKOINVEST, me qëllim të plotësimit të këtij kriteri nga Dosja e Tenderit e kishte ofruar pranë Autoritetit Kontraktues **Letër Mbështetjen** nga Raiffeisen Bank Kosova J.S.C për Korporatën Energjetike të Kosovës Sh.A në Prishtinë me numër RBKO Ref: MD2324800002 të datës 05.09.2023 (shih prova nr. 4). në të cilën ishte theksuar:

“Ne vërtetojmë se N.T.SH. Ekoinvest / Bahri Asllani B.I. Prishtinë Kosovë, NUI 810906620 është klient i bankës tonë Raiffeisen Bank Kosovo J.S.C. Ne mund të mbështesim N.T.SH. Ekoinvest / Bahri Asllani B.I., rruga Agim Ramadani Prishtine Kosovë me EUR 5,000,000.00 (me fjalë 5 Milion Euro) kredi për implementimin e projektit/tenderit: Furnizim me Transformator 400 MVA, 400kV për njësinë B1 me numër të prokurimit KEK-23-7573-1-1-1 dhe me numër të brendshëm KEK-23-282-1-1-1, nëse klienti i plotëson kushtet e brendshme të bankës për një kreditim të tillë. (Plotësimi i vetëm i kushteve të brendshme të bankës është nënshkrimi i kontratës pasi që hipoteka veq se është e përmbyllur me “Aktvendim mbi regjistrimin e hipotekës” Marrëveshja kryesore nr. 10 95 ne vlerë prej 10.000.000,00 (dhjetë milion) Euro me vlefshmëri prej datës 14.12.2018 deri me 14.12.2028 ) (shih prova nr. 5)

19. Nga Dosja e Tenderit pika 8.1 & 8.2 dhe Letër Mbështetja e apostrofuar më lartë vërtetohen në mënyrë të pakontestueshme rrethanat si në vijim:

- Vërtetohet se kërkesë e dosjes së tenderit (e përcaktuar me pikën 8.1 & 8.2) është vërtetimi bankar (shënim premtues) se kompania mund të marrë kredi prej 5 Milion Euro. Pra nuk kërkohej një kredi e aprovuar (shih kërkesën e DT dosjes së tenderit nga pika 17) por kërkohej një Letër Mbështetje - Shënim premtues se kompania mund të marrë kredi në shumën prej 5 Milion Euro. Kjo letër mbështetje e leshuar nga RBKO bazohet ne “ A K T V E N D I M I N “ mbi regjistrimin e hipotekës Marrëveshja Kryesore me nr.1095 ne vlerën 10,000,000.00 (dhjetë milion) e arritur me date 14.12.2018 deri me 14.12.2028 (shih prova nr 5)

- Nga Letër Mbështetja me numër **RBKO Ref: MD2324800002** të datës 05.09.2023 konfirmohet se **banka e lartcekur mund ta mbështet NTSH Ekoinvest Bahri Asllani B.I. me 5 Milion Euro me limit kredie apo over-draft duke u bazuar ne aktvendimin – dokumenti marrëveshja e lartcekur për implementimin e projektit/tenderit: *Furnizim me Transformator 400 MVA, 400kv për njësinë B1 me numër të prokurimit KEK-23-7573-1-1-1 dhe me numër të brendshëm KEKC-23-282-1-1-1.***
- Pra Letër Mbështetja është akt tjetër ndërsa aprovimi i kredisë finalizohet me një kontratë fuqiplote mbi kredinë. Prandaj në procedurën e prokurimit (pika 8.1 & 8.2) nuk kërkohet një kredi e aprovuar por kërkohet një shënim premtues. Prandaj shënimi premtues nuk duhet të nënkuptohet si kredi e aprovuar.
- Ndërsa në pjesën ku thotë se: “*Gjithashtu ne, Raiffisen Bank Kosovo J.S.C Robert Doll, Prishtine, Kosovo nuk kemi dhe nuk pranojmë asnjë përgjegjësi financiare ndaj përfituesit dhe autoritetit kontraktues në bazë të këtij dokumenti të lëshuar*”. Nënkupton se kjo Letër Mbështetja nuk paraqet ndonjë përgjegjësi financiare ndaj përfituesit ose Autoritetit kontraktues. Gjë që është plotësisht e qartë dhe e kuptueshme se raportet kredi marrëse janë raporte kontraktuale në mes të bankës si kredi dhënës dhe përfituesit të kredisë si kredi marrës dhe të drejtat dhe detyrimet e palëve kontraktuese rregullohen përmes kontratës mbi kredinë (si akti i dy anshëm detyrues).

20. Nga kjo që u theksua në pikën 19 të kësaj kërkesë vërtetohet në mënyrë të saktë dhe të plotë se **Operatori Ekonomik Ekoinvest Bahri Asllani B.I. e ka plotësuar në mënyrë të plotë dhe pas as një mëdyshje kriterin e përcaktuar në pikën 8.1 & 8.2 të dosjes së tenderit.**

21. Për të mbështetur legjitimitetin tone se posedojmë kapacitete te mjaftueshme financiare për përmbushjen e kërkesave te parapara ne FDT ju paraqesim **AKTVENDIMIN mbi regjistrimin e hipotekës** me nr. Protokolli: 011-944-1/1352/18. Marrëveshja kryesore me nr. 1095 me vlere prej 10.000.000 € nga e cila **buron Letër Mbështetja** e lëshuar nga Raiffeisen Bankë me numër referent: MD2324800002 e datës: 05.09.2023 dhe ne kete dokument (shih prova nr. 5) është e bazuar Letra e Mbështetjes nga banka Raiffeisen me numër RBKO Ref: MD2324800002 të datës 05.09.2023

22. Përmes **paraqitjes se AKTVENDIMIMIT** mbi regjistrimin e hipotekës i cili është valid deri me datën 14.12.2028, dëshmojmë se **jemi legjitim ne përmbushjen kriterit te përcaktuar në pikën 8.1 & 8.2 të dosjes së tenderit dhe jo vetëm por i tejkalon ato.**

23. Autoriteti Kontraktues me veprime arbitrare dhe të kundërligjshme dhe ne mënyrë te qëllimshme ka dale jashtë procedurave te LPP duke shkelur rregullat për sqarime shtese te përcaktuar me ligj, duke i bere pyetje sqaruese palës se trete (shih prova nr.



6) dhe ne mënyre të njëjte abuzive ka kamufluar kërkesën e dosjes së tenderit duke e pyetur palën e trete: *“të konfirmoni se Operatori Ekonomik(përfituesi) Ekoinvest / Bahri Asllani B.I. ka limite të aprovuar për qasje në kredi në dispozicion prej 5 Milion Euro” !!! ndërsa kërkesa e Dosjes së Tenderit është se kërkohet shënim premtues se mund të merret kredi për vlerën 5 Milion Euro.* Forme tjetër të shënimit premtues përveç letrës së mbështetjes nuk ka. Te vetmen pyetje palës së trete sipas Ligjit të Prokurimit mund ti behet se “a është lëshuar nga ju apo jo” ndërsa Operatorit Ekonomik mund ti kërkohen dokumentet origjinale dhe sqarime shtese. Ne këtë rast komisioni vlerësues ka shkelur **Deklaratën nen betim** duke komunikuar me individ të palës së trete, duke vene ne lajthitje me pyetje e bëra të cilët kanë konsumuar elemente të veprës penale si dhe palën e trete e ka futur ne konsumim të veprës penale pasi që e njëjta ka shkelur ligjin mbi privatësinë duke shpalosur informacion konfidencial. Në këtë mënyrë përmes arbitraritetit dhe kundërligjshmërisë ishin munduar ta konfuzojnë **Letrën Mbështetëse** me limitet e aprovuara të kredisë gjë që janë dy qështje të ndara (vetëm e vetëm të krijojnë amulli dhe paqartësi në një Letër Mbështetje e cila është shumë e saktë në aspektin përmbajtësor dhe gjuhësor).

24. Në përgjigje të këtij email-i Raiffeisen Bank iu kishte përgjigjur me datën 06.10.2023 në të cilën kishte theksuar **“çdo vendim mbi kreditimin bazohet në kushtet dhe kriteret tona të brendshme”**.

25. Veprimet e AK të cilat tashme përmbajnë shkelje të perseritura ligjore për të dyten here ngjallin dyshime të bazuara se OE i rekomanduar me kontratë është duke u favorizuar nga individ brenda AK dhe për këtë arsye **kërkojmë që të behet një inspektim - ekspertizë e detajuar për përmbushjen apo mospërmbushjen e kapaciteteve financiare të dorezuara nga OE i rekomanduar për kontratë respektivisht rreth vërtetësisë dhe vlefshmërisë së tyre.**

26. Të gjitha këto veprime të Autoritetit Kontraktues janë më shumë se një vendim i kundërligjshëm sepse për Operatorin Ekonomik të rekomanduar për kontratë i mbyll sytë përballë fakteve të pakontestueshme e të cilat janë të përshkuara në pikat 6 deri 17 të kësaj kërkesë dhe e shpall të përgjegjshëm Operatorin Ekonomik i cili është i papërgjegjshëm e që është Ballkan Petrol Sh.p.k ndërsa për Operatorin Ekonomik ankues N.T.SH Ekoinvest / Bahri Asllani B.I merr një mori veprimesh arbitrare dhe të kundërligjshme vetëm e vetëm që ta shpallë të papërgjegjshëm.

27. Ne njërin anë, për këtë **veprim nga komisioni i parë vlerësues dhe komunikimet me individ jashtë KEK(duke qene nen betim)** përmes së cilës ka vene ne lajthitje palën e trete dhe ne bashkëveprim me të ka bere shkelje të Ligjit mbi privatësisë dhe shpalosjes së sekreteve afariste, ekziston dyshimi i bazuar se është kryer veprë penale ne bashkëpunim, veprim të cilin jemi të detyruar ta denoncojmë **për keqpërdorim të detyrës zyrtare dhe shkelje të deklaratës nen betim.** Rrjedhimisht për veprimet e tilla të trajtuara me lartë do të njoftohet edhe Prokuroria kompetente. Ndërsa, në anën tjetër komisioni i dytë vlerësues ka vazhduar rrugën e njëjte dhe nuk e ka marrë as edhe mundimin me të vogël për të kërkuar sqarime shtese, përkundrazi nuk ka përfillur informacionet e afuara nga ne.



Nga arsyet e cekura me larte i propozojmë Autoritetit Kontraktues qe te merre këtë:

### V E N D I M

- I. **APROVOHET** Kërkesa e Operatorit Ekonomike N.T.SH EKOINVEST (Bahri Asllani B.I.) – Prishtine për Rishqyrtimin e VENDIMIT te Autoritetit Kontraktues me nr. prokurimit KEK-23-7573-1-1-1 (KEKC-23-282-1-1-1) titulli i kontratës i dhënë nga Autoriteti Kontraktues: “Furnizim me Transformatorë 400 MVA, 24 400 kV për njësinë B1”. **ANULOHET (PRISHET) VENDIMI** i atakuar me këtë kërkesë (i përshkruar si me larte), te formohet komision i ri i paanshëm dhe çështja te kthehet ne RIVLERESIM për vendeje meritore.

### KRITERET PËR VLERËSIM

Kriteri i dhënies së tenderit sipas FDT –së 31.1 është tenderi i përgjegjshëm me çmimin më të ulët.

### RAPORTI I KOMISIONI VLERËSUES

Komisioni i ri vlerësimit në raport tek pjesa e deklaratës rekomandon ZPP –në ta shpërblej me OE Ballkan Petrol SHPK

### INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

N/A

### VLERËSIMI SIPAS NENIT 4.1.26 TË LPP

N/A

### VENDIMET E MËPARSHME TË OSHP LIDHUR ME RASTET E NGJASHME

N/A

## ARSYETIMI PËR DEVIJIM NGA PRAKTIKA E MËPARSHME

N/A

## PËRGJIGJE NË PRETENDIMET ANKIMORE TË OE ANKUES - Bahri Asllani

• **Sqarim hyrës**, Me datën: 17.12.2023, OE “Bahri Asllani” B.I - NTSH “EKOINVEST - Prishtinë, me ankesën numër: 2023/1026, ka shprehur rezervat dhe kundërshtimet e tyre në lidhje me Njoftimin mbi Vendimin e Autoritetit Kontaktues (AK), ku rekomandohet për kontratë OE "Ballkan Petrol" SH.P.K Ferizaj në lidhje me prokurimin e aktivitetit: “Furnizim me transformator 400MVA, 24 400 kV për njësinë B1”, me numër të prokurimit “KEK-23-7573-1-1-1”, i nisur nga Autoriteti Kontraktues (AK) – KORPORATA ENERGJETIKE E KOSOVËS sh.a.

Autoriteti kontraktues ka ndjekur një procedurë të hapur për këtë kontratë furnizim, duke përcaktuar llojin e kontratës si furnizim, me një vlerë parashikuar prej: 5,000,000.00 €. OE “Bahri Asllani” B.I - NTSH “EKOINVEST - Prishtinë” ka shprehur nevojën për një shqyrtim të hollësishëm dhe të drejtë të procedurave të ndjekura nga Autoriteti Kontaktues (AK), duke identifikuar çdo aspekt të papranueshëm në rekomandimin për kontratë nga Autoriteti kontraktues për përcaktimin e shpërblimit të kontratës në fjalë. Kjo ankesë synon të sigurojë transparencën dhe drejtësinë në procesin e prokurimit.

**Pretendimi nr. 1.** Eksperti shqyrtues jep mendimin e tij në lidhje me pretendimin ankimor 1, pasi ka administruar dhe shqyrtuar me kujdes shkresat që lidhen me faktet dhe argumentet në platformën elektronike e - prokurimi, rrjedhën dhe analizën e procedurës për këtë aktivitet të prokurimit të lartë përmendur, për pretendimin ankimor të OE ankues Bahri Asllani B.I NTSH “EKOINVEST” më tej si parashutës i ankese, pretendimi ankimor sipas dosjes së tenderit për pjesën e Anex 1, piken 5 siç është kërkuar në DT, citoj kërkesën e DT-së: *(5. Prodhuesi duhet të dëshmoj me dokument se posedon laboratorin e testimeve për transformator energjetik për tensione të larta sipas standardit IEC dhe duhet të dëshmoj se ka kryer së paku një test të një transformatori të fuqisë 400MVA dhe klasë tensioni 400 KV apo më të lartë. Të dëshmohet me raport të testimit nga prodhuesi.)*

Prandaj duke e marruar për bazë sqarimet e Operatorëve Ekonomik OE, sipas neni 53 të LPP-së AK me datën: 11.08.2023 ka ngrit në platformë elektronike përgjigjeje lidhur me Aneksin 1 të DT-së pika 4 citoj: *Lidhur me pikën 2 b) KEK pajtohet me atë që OE ne ofertën e vetë ta prezantoj një Deklaratë nga prodhuesi se testet që kërkohen sipas IEC dhe ISO do të kryhen nga institute të pavarura të certifikuara nga trupa certifikuese në ambientet e prodhuesit apo prodhuesi nëse posedon laborator testues të certifikuar sipas standardeve të aplikuara. Që do të thotë se AK ka lejuar të ofrohet deklarata nga prodhuesi (këto përgjigjeje më sqarime bëhen pjesë s Dosjes së tenderit), andaj OE i rekomanduar për kontratë ka prezantuar Deklaratën nga prodhuesi për testim, Declaration for testing laboratory nga prodhuesi EDT Transformatory a.s. duke bashkëlidhur edhe test Laboratory equipment of EDT Transformatory a.s., sipas dosjes së tenderit (DT) dhe përgjigjëjet e autoritetit kontraktues AK të datës: 11.08.2023, që*



Raporti i ekspertit shqyrtues, lidhur me ankesën e parashtruar nga OE “Bahri Asllani”, lidhur me aktivitetin e prokurimit “Furnizim me transformator 400MVA, 24 400 kV për njësinë B1” me numër të prokurimit: “KEK-23-7573-1-1-1, të iniciuar nga Autoriteti Kontraktues (AK) – KORPORATA ENERGJETIKE E KOSOVES sh.a.

do të thotë se OE i rekomanduar për kontratë ka plotësuar kërkesat e DT –së dhe AK ka vepruar në pajtim me neni 59 të LPP-së. Duke e parë vendimin në kërkesë për rishqyrtim të datës: 06.12.2023 tek pretendim 1 pika a) komisioni ri vlerësues ka konfirmuar përmes hulumtimit në Ueb faqen e prodhuesit i se prodhuesi posedon Certifikatën e Akreditimit për Laborator Testimi me nr. 298/2023 ne emër te ETD TRANSFORMATORY a.s për Laborator te Testimeve Elektrike me validitet deri me 09.06.2028.

## CERTIFICATE OF ACCREDITATION

No. 298/2023

ETD TRANSFORMATORY a.s.  
with registered office Zborovská 54/22, Doudlevice, 301 00 Pízeň,  
Company Registration No. 25137808

for the Testing Laboratory No. 1526  
ELECTRICAL TESTING LABORATORY

Scope of accreditation:

Electrotechnical and air-handling tests and measurement of industrial equipment to the extent as specified in the appendix to this Certificate.

This Certificate of Accreditation is a proof of Accreditation issued on the basis of assessment of fulfilment of the accreditation criteria in accordance with

ČSN EN ISO/IEC 17025:2018

In its activities performed within the scope and for the period of validity of this Certificate, the Conformity Assessment Body is entitled to refer to this Certificate, provided that the accreditation is not suspended and the Accredited Body meets the specified accreditation requirements in accordance with the relevant regulations applicable to the activity of an accredited Conformity Assessment Body.

This Certificate of Accreditation replaces, to the full extent, Certificate No.: 238/2022 of 18. 5. 2022, or any administrative acts building upon it.

The Certificate of Accreditation is valid until: 9. 6. 2028

Prague: 9. 6. 2023



Jan Velíšek  
Director of the Department  
of Testing and Calibration Laboratories  
Czech Accreditation Institute

Sa i përket pjesës ku OE ankues i referohet pjesës se dyte te kërkesës 5 te dosjes se tenderit “duhet të dëshmoj se ka kryer së paku një test të një transformatori të fuqisë 400MVA dhe klasë tensioni 400 kV apo më të lartë” eksperti shqyrtues sqaron se me oferte OE i rekomanduar për kontrate ka dorëzuar certifikata testuese për TESTIME TE TRANSOFRMATORIT nga SKODA ENERGO sro me nr prot: 60TK/267/00 për tensionin 410kv. OE ankues nuk e ka vërejtur dokumentin e mësipërm te bashkangjitur ne ofertën e OE te rekomanduar për kontratë por i është referuar një dokumenti tjetër te lëshuar nga ORGREZ a.s i cili ne përkthim është për “Analyses of insulating oil” (analiza e vajit izolues) dhe si rrjedhoje nuk është paraqitur gjendja faktike nga pretendimi i elaboruar nga OE ankues.

AK gjate vlerësimit te ofertave ka vepruar në përputhje me nenin 40.4 dhe 40.6 te RRPP 001/2022 lidhur me nenin 59 të LPP-së. Duke u bazuar ne këto fakte dhe duke pas parasysh kërkesën e AK-së te lartpërmendur dhe analizës se mësipërme vlerësojë se pretendimi i palës në ankese në këtë pikë **nuk është i qëndrueshëm.**

Eksperti shqyrtues jep mendimin e tij në lidhje me pretendimin **ankimor 2**, eksperti shqyrtues, pas ekzaminimit të dosjes së tenderit, shqyrtimit të rrjedhës së procedurës së tenderimit dhe pretendimeve të palës në ankesë sqaron me sa vijon:

**Përgjigje në pretendimi nr. 2** Lidhur me pretendimet e operatorit ekonomik ankues, se Dokumenti lëshuar nga banka Raiffaisen Bank është në pajtim me kërkesat e Dosjes së tenderit.

**Eksperti shqyrtues sqaron**, se duke u bazuar ne analizën e fakteve/dëshmimeve të dokumentuara në platformën elektronike e-prokurim, rrjedhën dhe analizën procedurës se prokurimit, lidhur me këtë aktivitet të prokurimit, bazuar në Kërkesat mbi gjendjen ekonomike dhe financiare **neni 8.1 & 8.2 të FDT-së**, si në vijim:

Raporti i ekspertit shqyrtues, lidhur me ankesën e parashtruar nga OE “Bahri Asllani”, lidhur me aktivitetin e prokurimit “Furnizim me transformator 400MVA, 24 400 kV për njësinë B1” me numër të prokurimit: “KEK-23-7573-1-1-1, të inicuar nga Autoriteti Kontraktues (AK) – KORPORATA ENERGJETIKE E KOSOVES sh.a.

<b>Kërkesat:</b> <b>2. Operatori Ekonomik duhet të ketë të paktën 5 mil. euro asete likuide financiare ose qasje për kredi në dispozicion</b>	<b>Evidencat:</b> <b>2. Deklarata nga një apo disa banka që vërtetohet disponueshmërinë 5 mil. Euro në llogaritë bankare të kompanisë apo një vërtetim bankar (shënim premtues) që konfirmon se kompania mund të merr kredi prej 5 mil. Euro.</b>
--	--

Bazuar në sqarimet shtesë sipas nenit 53 të LPP-se dhe përgjigjet nga AK të datës: 11.08.2023 si ne vijim:

<p>Në FDT neni 8.1 &amp; 8.2, në pikën 2 është kërkuar: Operatori Ekonomik duhet të ketë të paktën 5 mil. Euro asete likuide financiare ose qasje për kredi në dispozicion. Ndërsa si dëshmi është kërkuar të dorëzohet: Deklarata nga një apo disa banka që vërtetohet disponueshmërinë 5 mil. Euro në llogaritë bankare të kompanisë apo një vërtetim bankar (shënim premtues) që konfirmon se kompania mund të merr kredi prej 5 mil. Euro. Kërkojmë të na sqaroni më detajisht se lidhur me dëshmitë e kërkuara: Duke pas parasysh se është kërkuar që të dorëzohet Deklarata nga një apo disa banka që vërtetohet disponueshmërinë 5 mil. Euro në llogarinë bankare të kompanisë, shtrohet pyetja: Ne rast se dorëzohet si dëshmi vërtetimi bankar a nënkupton se vërtetim do të pranohet:</p> <ol style="list-style-type: none"> <li>1. Banka lëshon vërtetim me të cilin dëshmon dhe konfirmon se në rast se kërkon kompania (operatori ekonomik) nga banka do të shqyrton dhe mbështetë operatorin ekonomik me kredi prej 5 mil. Euro apo</li> <li>2. Banka duhet të lëshojë dëshmi vërtetim me të cilin konfirmon se operatori ekonomik ka asete likuide financiare në vlerë 5 mil euro apo limite të aprovuara në banka dhe sipas kërkesës së operatorit ekonomik do të mbështet nga banka në realizim të projektit.</li> <li>3. A pranohet që një garancion i tillë të lëshohet nga kompanitë e sigurimit të regjistruara në Kosovë.</li> <li>4. A pranohet një deklaratë nga prodhuesi i transformatorit ku zotohet se do të mbështet projektin në fjalë.</li> </ol>	<p>- Duhet të dorëzohet vërtetim nga një apo disa banka me të cilat dëshmohet se OE ka qasje për kredi në dispozicion në vlerë prej 5 mil. euro.  -Nuk pranohet garancioni i lëshuar nga kompania e sigurimeve.  -Nuk pranohet deklaratë nga prodhuesi</p>
--	--

Bazuar në Letrën Mbështetëse të datës: 05 Shtator 2023 të lëshuar nga Raiffasen Bank lëshuar për OE ankues lidhur me këtë aktivitet të prokurimit, në të cilën thuhet, po citoj: “Gjithashtu ne Raiffaisen Kosovo J.S.C. Robert Doll nr. 9, Prishtina, Kosovë, nuk kemi dhe nuk pranojmë asnjë përgjegjësi financiare ndaj përfituesit dhe/ose autoritetit kontraktues në bazë të këtij dokumenti të lëshuar”, andaj lidhur me këtë AK – me datën: 29 Shtator 2023 në pajtim me nenin 59 par. 2 të LPP-se, përmes e-maili-i i drejtohet zyrtarit të bankës i cili e ka lëshuar këtë dokument i cili është nënshkruar dhe vulosur, duke kërkuar sqarime sikurse ne vijim:



Raporti i ekspertit shqyrtues, lidhur me ankesën e parashtruar nga OE “Bahri Asllani”, lidhur me aktivitetin e prokurimit “Furnizim me transformator 400MVA, 24 400 kV për njësinë B1” me numër të prokurimit: “KEK-23-7573-1-1-1, të iniciuar nga Autoriteti Kontraktues (AK) – KORPORATA ENERGJETIKE E KOSOVES sh.a.

#### Emin Tmava

**From:** Ymer Dragusha  
**Sent:** Wednesday, October 11, 2023 12:28 PM  
**To:** Valon GASHI  
**Cc:** Aderim MUSLIU; Emin Tmava; fatos.ibrahimi@raiffeisen-kosovo.com; ks-tf-factoring-front-office@raiffeisen-kosovo.co  
**Subject:** RE: Kerkese per sqarim te dokumentit -MD2324800002  
**Attachments:** RAIFFEISEN BANK.pdf

I nderuar z. Gashi,

Jemi te befashuar me shpresen e derguar pasi ne si Autoritetet kontraktues nuk kemi kerkuar sqarime pas email-it te datës 06.10.2023 .  
Duhet te keni parasysh qe Autoriteti Kontraktues është pale e interesit dhe letra mbështetëse MD2324800002 është lëshuar nga ana juaj për Korporata energjetike Kosovës. Sha(KEK)  
Duke marr parasysh qe letra mbështetëse është për KEK-un , për personat përgjegjës te autoritetit kontraktues , nuk mund te jete konfidenciale duke marr parasysh interesat për informatat e duhura te kërkuara ne Dosje te tenderit për Aktivitetin e Prokurimit KEK-23-7573-1-1-1 Furnizim me transformator 400MVA, 24 400 kV për njësinë B1, kërkesa te bazuara ne Ligjin Nr. 04/L042 për Prokurimin publik të Republikës së Kosovës, i ndryshuar dhe plotësuar me Ligjin Nr. 04/L-237, Ligjin Nr. 05/L-068 dhe Ligjin Nr. 05/L-092.

Ju përshëndes  
Ymer Dragusha  
u.d. Drejtor i Zyrës Ekzekutive te Prokurimit

**From:** Valon GASHI <valon.gashi@raiffeisen-kosovo.com>  
**Sent:** Tuesday, October 10, 2023 1:32 PM  
**To:** Emin Tmava <Emin.Tmava@kek-energy.com>  
**Cc:** Aderim MUSLIU <aderim.musliu@raiffeisen-kosovo.com>; Ymer Dragusha <Ymer.Dragusha@kek-energy.com>  
**Subject:** RE: Kerkese per sqarim te dokumentit -MD2324800002

Për: Korporata Energjetike E Kosoves sh.a.,  
Prishtinë, Kosovë

Nga: Raiffeisen Bank Kosovo J.S.C.  
Rruga Robert Doll nr. 99,  
Prishtinë, Kosovë

**Tema: Sqarim - Dokumenti origjinal dhe Privatësia e Klientit**

I/E nderuar,

Faleminderit për korrespondencën dhe sqarimet e kërkuara në lidhje me dokumentin e dërguar më 05.09.2023, me numër referencë RBKO Ref: MD2324800002.

Ne e kuptojmë rëndësinë e projektit "Furnizimi me Transformator 400MVA, 24 400 kV për Njësinë B1" prandaj edhe kemi lëshuar letër mbështetëse për klientin tonë, N.T.SH. Ekoinvest/ BAHRI ASLLANI B.I.

Megjithatë, është e rëndësishme të theksohet se, për shkak të kërkesave të privatësisë dhe konfidencialitetit të të dhënave të klientit, ne nuk mund t'u japim palëve të treta detaje të brendshme në lidhje me financat e klientit tonë pa pëlqimin e tyre të drejtpërdrejtë. Çdo informacion që lidhet me financimin e klientit është një gësjtje e brendshme midis bankës dhe klientit dhe dokumenti i letërës mbështetëse nuk synon të shërbejë si një burim gjithëpërfshirës informacioni në lidhje me aftësinë kreditore të klientit.

Ne dëshirojmë të sqarojmë se qëllimi kryesor i dokumentit origjinal, letërës së mbështetjes, nuk është të japë informacion të detajuar në lidhje me kreditë e klientit, limitet financiare ose mbështetjen e mundshme në të ardhmen.

Këto çështje i nënshtrohen kushteve specifike të bankës dhe vlerësimit të aftësisë kreditore të klientit.

Për informacion të detajuar në lidhje me kreditë e klientit, ju kërkujmë të kontaktoni drejtpërdrejt me klientin, N.T.SH. Ekoinvest/ BAHRI ASLLANI B.I.

Ne e vlerësojmë bashkëpunimin dhe mirëkuptimin tuaj dhe jemi në dispozicion për çdo pyetje të mëtejshme.

Sinqerisht,

Raiffeisen Bank Kosovo J.S.C.

**From:** Emin Tmava <Emin.Tmava@kek-energy.com>  
**Sent:** Friday, October 6, 2023 8:45 AM  
**To:** Valon GASHI <valon.gashi@raiffeisen-kosovo.com>  
**Cc:** Aderim MUSLIU <aderim.musliu@raiffeisen-kosovo.com>; Ymer Dragusha <Ymer.Dragusha@kek-energy.com>  
**Subject:** RE: Kerkese per sqarim te dokumentit -MD2324800002

Ky mesazh vjen nga një dërgues i jashtëm - keni kujdes, veçanërisht me linqe dhe dokumenta të bashkëngjitur.  
This message is from an external sender - be cautious, particularly with links and attachments.

I nderuari z.Gashi,

Ne emër të Zyrës së Prokurimit të KEK sh.a. ju falimnderojmë për sqarimin e dhene.

Faleminderit për bashkëpunimin dhe mirëkuptim.

Me respekt,  
Emin Tmava  
Mentasheri i Departamentit të Furnizimeve  
Zyra Ekzekutive e Prokurimit  
Korporata Energjetike e Kosovës sh.a  
Mob: +383 (0) 45 89 89 30  
Office: +383 (0) 38 501 401 1185  
www.kek-energy.com  


**From:** Valon GASHI <valon.gashi@raiffeisen-kosovo.com>  
**Sent:** Friday, October 6, 2023 8:36 AM  
**To:** Emin Tmava <Emin.Tmava@kek-energy.com>  
**Cc:** Aderim MUSLIU <aderim.musliu@raiffeisen-kosovo.com>; Ymer Dragusha <Ymer.Dragusha@kek-energy.com>  
**Subject:** RE: Kerkese per sqarim te dokumentit -MD2324800002

Raporti i ekspertit shqyrtues, lidhur me ankesën e parashtruar nga OE “Bahri Asllani”, lidhur me aktivitetin e prokurimit “Furnizim me transformator 400MVA, 24 400 kV për njësinë B1” me numër të prokurimit: “KEK-23-7573-1-1-1, të iniciuar nga Autoriteti Kontraktues (AK) – KORPORATA ENERGJETIKE E KOSOVES sh.a.

Lënda: Sqarim mbi Letër Mbështetje

I/E nderuar,

Pas korrespondencës tuaj dhe për të sqaruar çdo paqartësi, dëshirojmë të pohojmë se letërkëmbimi i mëparshëm nuk përfaqëson një zotim financiar nga ana jonë.

Ne kemi vërtetuar se N.T.SH. EkoInvest/BAHRI ASLLANI B.I. është klient i bankës tonë. Megjithatë, shprehja e gatishmërisë për të mbështetur klientin me një shumë të caktuar nuk është një garanci se kjo shumë do të jetë e disponueshme për klientin.

Çdo vendim mbi kreditimin bazohet në kushtet dhe kriteret tona të brendshme, dhe nuk është një zotim i hapur.

Duke ju sqaruar këtë, shpresojmë të kemi dhënë një përgjigje të qartë ndaj kërkesës suaj dhe të kemi hequr çdo dyshim që mund të ketë lindur.

Ju falënderojmë për mirëkuptimin dhe jemi të gatshëm për çdo komunikim të mëtejshëm.

Sinqerisht,

Raiffeisen Bank Kosovo J.S.C.

Valon Qashtaj | +383 (0) 45 199 191 | Corporate Relationship Manager | Corporate Business Department | Raiffeisen Bank Kosovo J.S.C. | Member of RBI Group |   

From: Emin Tmava <[Emin.Tmava@kek-energy.com](mailto:Emin.Tmava@kek-energy.com)>

Sent: Friday, September 29, 2023 2:28:41 PM

To: Aderim MUSLIU <[aderim.musliu@raiffeisen-kosovo.com](mailto:aderim.musliu@raiffeisen-kosovo.com)>

Cc: Ymer Dragusha <[Ymer.Dragusha@kek-energy.com](mailto:Ymer.Dragusha@kek-energy.com)>

Subject: Kerkese per sqarim te dokumentit -MD232480002

You don't often get email from [emin.tmava@kek-energy.com](mailto:emin.tmava@kek-energy.com). Learn why this is important

Ky mesazh vjen nga një dërgues i jashtëm - kemi kujdes, veçanërisht me linqe dhe dokumenta të bashkëngjitur.  
This message is from an external sender - be cautious, particularly with links and attachments.

Te nderuar,

Ju shkruaj nga Korporata Energjetike e Kosovës (KEK sh.a.), ne emër të komisionit për vlerësimin e ofertave për aktivitetin e prokurimit “ Furnizim me transformator 400MVA, 24 400 kV për njësinë B1” Nr. i prokurimit KEK-23-7573-1-1-1.

Aktiviteti i prokurimit i lartcekur është projekt kapital me vlerë të madhe (5,000,000.00 €) dhe me rëndësi të veçantë për Autoritetin Kontraktues (KEK sh.a.). Për shkak të natyrës specifike të këtij projekti ne dosje të tenderit është parapare që Operatorët Ekonomik të financojnë zbatimin e kontratës deri në përfundimin e saj dhe për këtë arsye bazuar në Legjislacionin për prokurim publik është kërkuar nga Operatorët Ekonomik të dëshmojnë se kanë kapacitet financiar: para cash në llogari bankare ose qasje për kredi në dispozicion në vlerë 5,000,000.00 €.

Nga banka juaj, për Operatorin Ekonomik “Eko Invest/Bahri Asllani B.I.”, është lëshuar dokumenti i bashkëngjitur ne të cilin ka disa paqartësi e posaqerisht ne paragrafin e fundit është shënuar, po citoj:

*Gjithashtu ne, Raiffeisen Bank Kosovo J.S.C., Robert Doll nr.99, Prishtina, Kosovë nuk kemi dhe nuk pranojmë asnjë përgjegjësi financiare ndaj përfutjesit dhe/ose autoritetit kontraktues ne baze të këtij dokumenti të lëshuar.*

3

Me qëllim të vlerësimit, krahasimit, ekzaminimit të ofertave të pranuar dhe trajtimit të barabartë të gjithë Operatoreve

Ekonomik pjesëmarrës në këtë tender, KEK sh.a. ka nevojë për sqarim lidhur me dokumentin e lëshuar nga ana juaj:

**Te konfirmoni se Operatori Ekonomik (përfutjesi) “Eko Invest /Bahri Asllani B.I.”, ka limite të aprovuara për qasje në kredi në dispozicion në vlerë 5,000,000.00 €.**

Ju lusim që sqarimin e kërkuar të na dërgoni në afatin me të shpejtë të mundshëm.

Faleminderit për bashkëpunim dhe mirëkuptim.

Me respekt

Emin Tmava

Menaxher i Departamentit të Furnizimeve

Zyra Ekzekutive e Prokurimit

Korporata Energjetike e Kosovës sh.a

Mob: +383 (0) 45 89 89 30

Office: +383 (0) 38 501 401 1185

[www.kek-energy.com](http://www.kek-energy.com)





Po ashtu eksperti shqyrtues vlerëson se përkundër sqarimeve të kërkuara Banka e OE ankues ne asnjë rast nuk ka pranuar se do ta mbështesë klientin e tij dhe ka konfirmuar se citoj: ***“letërkëmbimi i mëparshëm nuk përfaqëson një zotim financiar nga ana jone”*** dhe ***“nuk është një garanci se kjo shume do te jete e disponueshme për klientin”***.

AK – komisioni i vlerësimit ka vlerësuar, ekzaminuar dhe krahasuar OE pjesëmarrës në këtë aktivitet të prokurimit si dhe OE ankues, ku potencon në letrën standarde të eliminimit se edhe pas sqarimeve/përgjigjeve nga *Raiffaisen Kosovo J.S.C. – zyrtari përgjegjës (i cili ka nënshkruar dhe vulosur dokumentin – letër mbështetje ref. MD2324800002)*; nuk janë në “pajtim” me kërkesat e dosjes së tenderit dhe përgjigjet e dhëna nga AK të datës: 11.08.2023.

Për mendimin e ekspertit shqyrtues duke u mbështetur në sqarimet e lartë përmendura ky pretendim ankimor **nuk është i qëndrueshëm.**

## REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues refuzohet si e pabazuar dhe të mbetet në fuqi vendimi i AK.

Raporti i ekspertit shqyrtues, lidhur me ankesën e parashtruar nga OE “**Bahri Asllani**”, lidhur me aktivitetin e prokurimit “**Furnizim me transformator 400MVA, 24 400 kV për njësinë B1**” me numër të prokurimit: “**KEK-23-7573-1-1-1**”, të iniciuar nga Autoriteti Kontraktues (AK) – **KORPORATA ENERGJETIKE E KOSOVES sh.a.**

Raporti i ekspertizës ti dorëzohet:

- Autoritetit Kontraktues – **KORPORATA ENERGJETIKE E KOSOVES sh.a.**
- Panelit Shqyrtues – **OSHP**
- OE ankues – **Bahri Asllani**

**Shkelzen Hoxha**

